



Sud Bosne i Hercegovine

Суд Босне и Херцеговине

Broj: Su-08-162/19

Datum: 18.06.2019.godine

Na osnovu člana 64. stav (1) tačka b) najniža cijena, člana 70 stav 1., 3. i 6. Zakona o javnim nabavkama ("Službeni glasnik BiH", broj 39/14) i člana 1. Poslovnika o radu Suda Bosne i Hercegovine ("Službeni glasnik BiH", broj: 82/05) na preporuku Stalne komisije za javne nabavke Suda BiH broj: Su-08-161/19 od 18.06.2019. godine u postupku javne nabavke usluge održavanja softvera – **72267100-0**, donosim

ODLUKU

o izboru najpovoljnijeg ponuđača za usluge održavanja softvera
(servisiranje baze podataka)

član 1.

Prihvata se preporuka Stalne komisije za javne nabavke Suda BiH (u daljem tekstu: Komisija), broj: Su-08-161/19 od 18.06.2019. godine i Ugovor za nabavku usluge održavanja softvera/servisiranje baze podataka - oznaka i naziv iz JRJN: **72267100-0** (Održavanje programske podrške za informacijsku tehnologiju), dodjeljuje se ponuđaču „**Swallow commerce**“ d.o.o. Sarajevo, sa sjedištem na adresi Andreja Andrejevića 14, a ponuda ovog ponuđača broj: 28/2019 za ponuđenu cijenu od **6.000,00 KM** bez PDV-a, kao najbolje ocijenjena ponuda.

član 2.

Ugovor o nabavci dostaviti će se na potpis izabranom ponuđaču „**Swallow commerce**“ d.o.o. Sarajevo po proteku roka od 10 dana računajući od dana kada su svi ponuđači obavješteni o izboru najpovoljnije ponude.

član 3.

Ova odluka objavljuje se na internetskoj stranici Suda BiH. Komisija za javne nabavke uputiti će obavještenje ponuđačima koji su učestvovali u postupku u skladu sa članom 70. stav (6) Zakona o javnim nabavkama.

član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka nabavke usluge održavanja softvera-servisiranje baze podataka broj: Su-08-137/19 od 16.05.2019. godine. Javna nabavka je provedena putem Konkurentskog zahtjeva za dostavu ponuda broj: Su-08-147/19, a procijenjena vrijednost javne nabavke 6.000,00 KM bez PDV-a. Obavještenje o nabavci objavljeno je na portalu javnih nabavki pod brojem 243-7-2-13-3-23/19 od 28.05.2019. godine. Komisija je rukovodiocu ugovornog organa dostavila Zapisnik o pregledu i ocjeni ponuda i prijedlog o izboru najpovoljnijeg ponuđača u postupku javne nabavke usluge održavanja softvera-servisiranje baze podataka za evidenciju svjedoka.

Komisija je blagovremeno i pravilno izvršila javno otvaranje ponuda dana 07.06.2019. godine i sačinila Zapisnik sa otvaranja ponuda koji je prosljeđen svim ponuđačima koji su učestvovali u postupku. Nakon otvaranja ponuda Komisija je pristupila ocjeni i poređenju ponuda te o tome sačinila odgovarajući zapisnik u kojem je utvrđeno slijedeće: da su blagovremeno pristigle ukupno dvije (2) ponude („Intels“ d.o.o. i „Swallow commerce“ d.o.o.), da nije bilo neblagovremeno zaprimljenih ponuda i da su obje pristigle ponude ponuđača ocijenjene prihvatljivim u skladu sa tenderskom dokumentacijom. Za ovaj postupak je zakazana e-aukcija dana 17.06.2019. godine i u toku e-aukcije nije bilo podnošenja novih ponuda od strane ponuđača. U postupku donošenja odluke, posebno su ocijenjene činjenice da je Komisija pravilno i potpuno izvršila ocjenu kvalificiranosti ponuda, te ocjenu, poređenje i rang listu prispjelih ponuda, shodno kriteriju najniža cijena.


U postupku ocjene provedenog postupka, rukovodioc ugovornog organa nije našao nepravilnosti niti propuste u radu koji bi eventualno bili osnov za neprihvatanje preporuke Komisije. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač „Swallow commerce“ d.o.o. Sarajevo izabran primjenjujući kriterij najniže cijene koja je ponuđena u iznosu od 6.000,00 KM bez PDV-a, dok je ponuđač „Intels“ d.o.o. Sarajevo ponudio cijenu u iznosu od 6.300,00 KM bez PDV-a.

Iz navedenih razloga, primjenom člana 64. stav (1) tačka b) najniža cijena Zakona o javnim nabavkama odlučeno je kao u dispozitivu.

POUKA O PRAVNOM LIJEKU:

Ponuđač koji je učestvovao u postupku nadmetanja može radi zaštite svojih prava i pravnih interesa izjaviti žalbu ugovornom organu u roku od 5 (pet) dana od dana prijema ove odluke.





PREDSJEDNIK SUDA

Ranko Debevec